

50 por 100 do seu activo noutras institucións de investimento colectivo deberán adaptarse ás previsións contidas na sección 6.^a do capítulo II do título I do regulamento da Lei 46/1984 no prazo de doce meses desde a entrada en vigor deste real decreto.

4. En canto o ministro de Economía non aprobe o medio de difusión previsto no artigo 13.5 do presente regulamento, as sociedades xestoras dos fondos de investimento deberán subministrarlle á sociedade rectora da Bolsa de Valores radicada na praza da súa sede social ou, se é o caso, en calquera delas, a información precisa para que teña lugar a publicación, diaria ou coa frecuencia que corresponda ó tipo de institución de investimento colectivo de que se trate, no respectivo boletín de cotización dos datos relativos ó valor liquidativo das súas participacións, ó seu patrimonio e ó número de partícipes. Así mesmo, as institucións de investimento colectivo farán públicos os feitos relevantes mencionados no artigo 10.4 a través da notificación e publicación no boletín de cotización da bolsa radicada na sede social da institución ou, no seu defecto, no de calquera das bolsas, ademais de comunicalos á Comisión Nacional do Mercado de Valores e incluílos no folleto trimestral inmediato.

5. As institucións de investimento colectivo inscritas nos Rexistros da Comisión Nacional do Mercado de Valores que á entrada en vigor do presente real decreto se acollan ós novos límites de concentración por emisor recollidos no artigo 4.3 do regulamento da Lei 46/1984, cando isto non supoña unha modificación da súa política de investimento, non necesitarán actualizar previamente o seu folleto informativo, abondando coa publicación dun feito relevante e a súa inclusión no informe trimestral seguinte.

6. A adaptación ó novo límite máximo á comisión de depositario establecido no artigo 45.5 do regulamento da Lei 46/1984 non requirirá a previa modificación dos regulamentos de xestión e folletos informativos dos fondos de investimento mobiliario inscritos no Rexistro da Comisión Nacional do Mercado de Valores á entrada en vigor deste real decreto, sen prexuízo de que o contido destes documentos se axuste no momento en que se produzan outras modificacións. Os fondos que teñan que reducir a comisión de depositario efectivamente aplicada para adaptarse ó novo límite deberán publicar un feito relevante nos termos do artigo 10.4 do dito regulamento.

7. A actuación dos axentes ou apoderados das sociedades xestoras de institucións de investimento colectivo ó amparo do artigo 54 bis do regulamento da Lei 46/1984 esixirá o previo desenvolvemento do previsto naquel polo ministro de Economía ou, coa súa habilitación expresa, pola Comisión Nacional do Mercado de Valores.

Disposición derradeira única. *Habilitación normativa e entrada en vigor.*

1. Facúltase o ministro de Economía para dictar as disposicións que sexan necesarias para o cumprimento e execución do presente real decreto e, coa súa habilitación expresa, á Comisión Nacional do Mercado de Valores, no ámbito das súas competencias.

2. O presente real decreto entrará en vigor ó día seguinte da súa íntegra publicación no «Boletín Oficial del Estado».

Dado en Madrid o 2 de febreiro de 2001.

JUAN CARLOS R.

O vicepresidente segundo do Goberno
para Asuntos Económicos
e ministro de Economía,
RODRIGO DE RATO Y FIGAREDO

MINISTERIO DA PRESIDENCIA

3420 *REAL DECRETO 142/2001, do 16 de febreiro, polo que se establecen os requisitos para a regularización prevista na disposición transitoria cuarta da Lei orgánica 8/2000, do 22 de decembro, de reforma da Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social.* («BOE» 44, do 20-2-2001.)

A disposición transitoria primeira da Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social, determinaba que o Goberno establecería mediante real decreto o procedemento para a regulación dos estranxeiros que se encontrasen en territorio español antes do día 1 de xuño de 1999 e que acreditasen ter solicitado nalgunha ocasión permiso de residencia ou traballo ou que o tivesen nos últimos tres anos. Na súa virtude, adoptouse o Real decreto 239/2000, do 18 de febreiro, polo que se establece o procedemento para a regularización de estranxeiros previsto na disposición transitoria primeira da dita lei orgánica.

Pola súa parte, a Lei orgánica 8/2000, do 22 de decembro, de reforma da Lei orgánica 4/2000, dispón, na súa disposición transitoria cuarta, que o Goberno mediante real decreto establecerá os requisitos que permitan, sen necesidade de presentar nova documentación, a regularización dos estranxeiros que se encontren en España e que, tendo presentado solicitude de regularización, ó abeiro do previsto no Real decreto 239/2000, visen denegada esta exclusivamente por non cumpriren o requisito de encontrarse en España antes do 1 de xuño de 1999.

Mediante o presente real decreto dáse cumprimento ó mandato legislativo derivado da referida disposición transitoria, regulando un procedemento de reexame das solicitudes denegadas, e delimitáanse os requisitos que os interesados deben reunir para obter a súa regularización no noso territorio.

En cumprimento do anterior, logo do informe favorable da Comisión Interministerial de Estranxeiría, oído o foro para a Integración Social dos Inmigrantes, por proposta dos ministros de Asuntos Exteriores, de Xustiza, do Interior e de Traballo e Asuntos Sociais, coa aprobación do ministro de Administracións Públicas, de acordo co Consello de Estado e logo de deliberación do Consello de Ministros na súa reunión do día 16 de febreiro de 2001,

DISPONGO:

Artigo 1. *Requisitos para obter a regularización.*

1. Poderán ser documentados cun permiso de traballo e residencia ou permiso de residencia os estranxeiros que cumpran os seguintes requisitos:

a) Ter presentado solicitude de regularización en aplicación do procedemento establecido mediante o Real decreto 239/2000, do 18 de febreiro, polo que se establece o procedemento para a regularización de estranxeiros prevista na disposición transitoria primeira da lei.

b) Ter sido obxecto, no procedemento incoado en virtude da dita solicitude, de denegación polo motivo exclusivo de non ter acreditado o requisito de encontrarse en España antes do 1 de xuño de 1999.

c) Encontrarse en España no momento da entrada en vigor deste real decreto.

d) Ter acreditado o cumprimento dos demais requisitos esixidos no Real decreto 239/2000.

e) Non existir contra o interesado unha resolución de expulsión vixente, nin encontrarse incurso en causa de expulsión ou prohibición de entrada en España, establecida no Real decreto 239/2000, e que se recolla como tal na Lei orgánica 4/2000, modificada pola Lei orgánica 8/2000, do 22 de decembro, nin ter proceso xudicial penal en curso, salvo que o interesado acredite o arquivo definitivo da causa xudicial ou o sobresemento libre das actuacións.

2. Os nacionais de terceiros Estados que sexan familiares de residentes comunitarios ou de españois incluídos no artigo 2 do Real decreto 766/1992, do 26 de xuño, sobre entrada e permanencia en España de nacionais de Estados membros da Unión Europea e outros Estados parte no Acordo sobre o Espacio Económico Europeo, modificado polo Real decreto 737/1995, do 5 de maio, e polo Real decreto 1710/1997, do 14 de novembro, poderán ser documentados cunha tarxeta de residencia en réxime comunitario, sempre que reúnan os requisitos previstos no punto anterior. En relación co feito de encontrárense incursos nalgunha causa de expulsión ou prohibición de entrada será de aplicación o réxime previsto no artigo 15 do Real decreto 766/1992.

Artigo 2. *Reexame de solicitudes.*

1. Os órganos administrativos competentes en virtude do disposto no artigo 4 do Real decreto 239/2000 procederán de oficio a reexaminar todas aquelas solicitudes ás que se refire o artigo 1 do presente real decreto sobre as que fosen ou vaian ser denegadas por incumprilo requisito de encontrarse en España antes do 1 de xuño de 1999.

2. Poderá requirírselle, con carácter excepcional, ó interesado a achega da documentación que sexa imprescindible para a verificación do cumprimento dos requisitos previstos no artigo 1.

3. Se se acreditase reuni-los requisitos previstos no artigo 1 do presente real decreto, procederase á revogación da resolución desestimatoria dictada de acordo co Real decreto 239/2000, de conformidade co previsto no artigo 105 da Lei 30/1992, do 26 de novembro, de réxime xurídico das administracións públicas e do procedemento administrativo común, na redacción dada a este pola Lei 4/1999, do 13 de xaneiro, procedendo a dictar nova resolución pola que se conceda permiso de traballo e residencia, permiso de residencia ou tarxeta de residencia en réxime comunitario.

4. Aqueles expedientes que se encontren en trámite na data de entrada en vigor do presente real decreto nos que estea acreditado o cumprimento dos requisitos establecidos no Real decreto 239/2000, salvo o de encontrarse en España antes do 1 de xuño de 1999, serán resoltos favorablemente de acordo co establecido neste real decreto.

5. Nos supostos incluídos neste artigo nos que unha resolución denegatoria contra a que o interesado recorre previamente, en lugar de proceder á súa revogación, resolverase favorablemente o recurso administrativo interposto.

Artigo 3. *Prazo de reexame.*

As solicitudes denegadas a que se refire o presente real decreto deberán ser reexaminadas no prazo máis breve posible, en prol dos principios de seguridade xurídica e eficacia administrativa, debendo concluí-lo proceso, como máximo, en tres meses a partir da súa data de entrada en vigor.

Artigo 4. *Seguimento do proceso.*

A Comisión Interministerial de Estranxeiría coordinará o seguimento das actuacións relativas ó proceso, disporá a dotación necesaria de medios ós órganos administrativos de tramitación e levará a cabo as actuacións pertinentes para poder obter información puntual estatística sobre o proceso.

Disposición derradeira primeira. *Habilitación normativa.*

Os titulares dos órganos competentes dos ministerios afectados adoptarán as medidas e dictarán as instrucións necesarias para a execución e desenvolvemento deste real decreto.

Disposición derradeira segunda. *Entrada en vigor.*

O presente real decreto entrará en vigor dez días despois ó da súa publicación no «Boletín Oficial del Estado».

Dado en Madrid o 16 de febreiro de 2001.

JUAN CARLOS R.

O vicepresidente primeiro do Goberno
e ministro da Presidencia,
MARIANO RAJOY BREY

MINISTERIO DE FOMENTO

3492 *REAL DECRETO 114/2001, do 9 de febreiro, polo que se modifica o Regulamento xeral de estradas, aprobado polo Real decreto 1812/1994, do 2 de setembro. («BOE» 45, do 21-2-2001.)*

O Real decreto lei 6/2000, do 23 de xuño, de medidas urxentes de intensificación da competencia de mercados de bens e servizos, establece unha serie de medidas para o fomento da liberalización dos mercados enerxéticos e, entre eles, o de hidrocarburos líquidos, co obxecto de favorecer-la competencia mediante o aumento dos puntos de distribución e venda dos devanditos produtos.

Polo que se refire ás estacións de subministración de promoción privada situadas nas estradas da rede estatal, non existe na actualidade ningún tipo de restriccións ó libre establecemento por razón de distancias mínimas que deban cumprirse entre instalacións contiguas, desde que se produciu a extinción do antigo monopolio de petróleos e se levou a cabo o oportuno proceso de liberalización do sector. Non obstante, e polo que se refire a áreas de servizo, o Regulamento xeral de estradas, aprobado polo Real decreto 1812/1994, do 2 de setembro, no seu artigo 58, establece determinadas distancias mínimas entre os devanditos elementos funcionais da estrada, que habitualmente inclúen instalacións de subministración de carburantes, e que parece oportuno revisar, en coherencia cos propósitos enunciados na exposición de motivos do indicado Real decreto lei 6/2000, do 23 de xuño.

Na súa virtude, por proposta do ministro de Fomento, de acordo co Consello de Estado e logo de deliberación do Consello de Ministros na súa reunión do día 9 de febreiro de 2001,